

觀

象

玩

占

觀象玩占癸集目錄

第四十五卷

風角

六情

十干并十二辰風占

天門風占

八方暴風

第四十六卷

正朔風

八節風

三辰八角風

占風知兵

出軍占風等占

等四十七卷

候風知詔書等占

第四十八卷

十二歲月日時雜風等占

第四十九卷

地占 山川等占

第五十卷

日占 月占 星占 雲氣占 地震占

觀象玩占卷之四十五

風角

六情占法

北方之情好水也好行貪狼申子主之水生於申盛於子其性趨下浸漸漬觸物而潤故其情為好而無厭則為貪婪故謂之貪狼主貪財嗜利強奪橫取欺詭詐騙攻劫盜竊之事其日風從本方上來不出七日關梁驚不則有兵往他界

貪狼之日時加貪狼風從貪狼上來有盜賊劫奪人財禍起北方若寒急昏慘則傷人不則小盜 公正上來有報仇怨者

揚兵相擊歲月在丑未大凶 奸邪上來有惡人持物至

廉貞上來有人持物相輅寬大上來有人持禮相候欲求財物陰賊上來有人以陰賊事相連引出不則為獸所傷

貪狼之日時加奸邪陰賊風從奸邪或陰賊上來必有盜賊劫殺之事

東方之情怒木也怒行陰賊亥卯主之木生於卯其性屈曲受水而生貫土而出陰賊閉匿故其為志而還賊所養故謂之陰賊主陰謀陷害屈曲邪妄叛逆戰鬪暴戾殺傷之事其日風從本方來不出七日有陰賊入偷營砍寨事

陰賊之日時加陰賊風從陰賊上來有賊格開在所部內必傷人貪狼上來有賊自爭財相殺

公正上來外人謀內 寬大上來告客行財與人

廉貞上來有巢穴之事為人所劫一日士人為劫

奸邪上來有婦人從東來若東家婦人 前之

伺隙而盜者陰賊之日時加貪狼風從奸邪上來或止貪狼
陰賊必有盜賊逆亂殺人之事

南方之情惡火也惡行廉貞寅午主之火生寅盛於午其性猛烈
無所容納故其情為惡：則忿惡疾邪不染污穢故謂之廉
貞主賓客禮義嫁娶燕享圖議忠信舉用賢良遷官慶賞
之：事其日風從本方來有相辨怨事一日有長者千里來
相慶賀

廉貞之日時加廉貞風從廉貞上來清和條暢有貴人慶賀
燕樂若帶刑殺或昏冥寒慘則因而生怒

貪狼上來有人爭財一日有客來求財物

寬大上來有遷官召命貴客酒食燕樂一日有人以財物來求
好公正上來貴人有事相問一日有報仇怨者

奸邪上來有人上符文召發事不則有奸人設計相給

陰賊上來有賊欲劫竊不帶刑殺無害

廉貞之日時加寬大風從廉貞或寬大上來或止寬大有貴人

以酒食來相樂

西方之情喜金也喜行寬大已酉主之金生於酉其性剛利刃加
物無不寬大故其情喜免主秋成乾天體故謂之寬大主福祿賞
賜酒食施與貴人君子聚集賜賀覃恩賞賚之事其日風從
本方來兵在外不戰有喜

寬大之日時加寬大風從寬大上來有貴人請召飲食賜與
奸邪上來有妖人為怪婦人欺夫一日有乘我不虞以為欺者
貧狼上來有爭財者一日有惡人相遺物

廉貞上來有遷官賞賜

陰賊上來防奸賊詭計

公正上來貴人召問

寬大之日時加庶貞或寬大風從庶貞

寬大上來有貴客至喜慶事

上方之情樂：行奸邪辰未主之上方北與東也陽氣之所萌生
故為上方辰窮水也未窮木也木落歸本水流歸末木利在
亥水利在申利而無阻故樂水性智、窮則奸木性上出窮則
旁行故謂之奸邪主欺結不信淫泆邪慝蔽善興惡奸私疾
病之事其日風從本方來七日內有賊若陰人誑詐虛驚一日風
清和帶德則為婚姻往來寒慄帶殺則為奸為賊奸邪之日
時加奸邪風從奸邪上來主人見謀若出遇疾病

陰賊上未有宿怨者相攻有流血

公正上未有來欲報仇怨

廉貞上未有文書若以奸盜相引貪狼上未有賊謀持物去

寬大上未有相請因酒食生病

奸邪之日時加陰賊有風從寬大上未有持酒禮相候謀賊
害者

下方之情衰：行公丑^正戌主之下方南與西也陰氣之所萌生故謂

下方成窮火也丑窮金也金剛火強各歸其鄉火刑^於午金刑於

酉午與酉金火之盛也特受制至窮而無所歸故衰火性無私

金性至剛故謂公正主報怨復仇諫諍主驚恐主兵主誅暴亂
主訟其日風從本方來有忠臣直諫國有喜報仇有功兩軍相
守大將來降不出七日敵兵有敗

公正之日時加公正主來有風從公正上來吏人相爭仇人報怨
陰賊上來下人凌上

奸邪上來人有欲告言部吏私財物者

貪狼上來有亡失逐蹤相牽引有吏人爭財相傷

廉貞上來有遷官

寬大上來出逢酒食

公正之日時加廉貞風從奸邪上來有誠信之士執仇而來詐人

酒食口舌爭訟時加亥卯有以酒食相謀害事時加辰未有酒食女人口舌時加申子有酒食爭財事

申子貪狼之日時加申子鳥鳴其上時加王相當言群賊攻劫休廢囚死當言有盜賊事

時加寅午有善人說攻劫事時加巳酉有酒食言攻劫事

時加辰戌有盜賊詞訟或文書追盜賊事

時加亥卯王相則有群賊攻劫休死小盜

時加辰未有婦人說盜賊事

寅午廉貞之日 時加寅午鳥鳴其上時加王相當言長吏休死

囚死當有諫諍事

時加己酉有遠書至 時加申子有酒食爭財物事

時加辰未有陰私婦人口舌 時加癸戌有酒食

時加亥卯有以酒食起爭相殺

丑戌公正之日 時加丑戌鳥鳴其上時加王相有長吏公正之事

休囚當有吏來相慰問

時加己酉有公正酒食賜與

時加寅午有公正辭讓慶賀

時加辰未有吏來說陰私盜賊事

時加申子有吏來說公正欺詐事

時加亥卯有吏來說盜賊相殺傷事

亥卯陰賊之日 時加亥卯鳥鳴其上王相群賊大戰囚死有爭

鬪相殺傷 時加巳酉有酒食相傷 時加丑戌有吏來逐賊

相害 時加寅午有婦人鬪傷事 時加辰未育婦女奸事鬪

傷 時加寅辰有賊自相攻劫

辰未奸邪之日 時加辰未鳥鳴其上時加王相當言有長吏來

捕奸休死當有口舌事起

時加寅午有謙恭人言奸淫事

特加己酉有酒食陰私事 時加丑戌有吏來捕奸私事

時加申子有陰謀爭鬪劫盜事 時加亥卯有賊兵相害事

已上六情之日鳥鳴及風起於本情方上則課其時上占之

凡陰賊之日有飄風從四季辰戌丑未上來時加四季或群鳥飛

從四季上來時加四季皆為閉關搜索之事若值休廢囚死

即在近道假令今日風起市中若群鳥疾飛從其方來即時

搜索欲知所捕何事時加丑戌則是仇怨辰未則是盜或殺人

賊亥卯王相是大賊 十干風并十二辰風占

巫咸曰諸甲日大風丙丁日必雨不雨則海中兵起

乙日大風粟貴邊夷內侵 丙日有大風猝兵來圍邊城

丁日大風天傷物人畜俱有疫有旱 戊己日大風土功興食物貴

庚辛日大風虫生人病宜急防邊 壬癸日大風北夷侵邊

子日大風兵起水中 丑日大風粟猝貴

寅日大風黃赤氣四塞有火災 卯日大風蟲蝗大起

辰日大風人民移堡若集大將出行 巳日大風有大旱

午日大風邊事急 未日大風土功大作

申日大風暴賊攻劫谷貴 酉日大風肅、濡潤大雨水災

戌日大風兵起 亥日大風兵賊相攻人民哭泣

已上不論五音六情但風起鳴條以上叫怒蓬勃沙走石拑
木發屋吹塵漲天日色昏沉天氣寒慘則依上占之仍以言
其災之大小

天門風占

天下多有出風之處名山大川皆有風穴惟天門所出風可占天門
者乾方也戌乾亥同為乾方

天門上發風擺落木葉而天氣晴明日光輝盛者天子有德
今行天下臣民皆喜

天門上發風去地尺餘不動塵土拂然天色晴明黃赤雲遍

天謂之祥風天子欲有赦令囚人出獄

天門上風先急後慢拂；經時黃雲遍天忽夾微雨忠良在位民安君樂

天門上出風初慢後急吹沙走石^折木發屋黑風^氣遍天經時

而止謂之邪風佞臣在位天子憂病若風止而雨降為解

天門上出風初微而漸大擺樹有声如雷吼經時而止

天子欲行急令有赦年豐熟半日止五谷成賢人來天下安一

日止有大赦不出一年一日半止天子發大使出安邊行德令撫

問事二日止外國來朝貢天子國有大喜二日半止天子欲行南

郊禮大故天下三日止天下五谷大成遠夷入貢

若風帶執氣天下谷虫傷一分帶冷氣民勞苦風色黑慘陰
濁 天子有病三年灾民不安物不成

八方暴風

北方坎風名曰廣莫風主冬至四十五日京房曰四時暴風起北方
人派盜起相攻天下旱

霜歲飢令人病節四肢不可動搖

東南巽風名曰清明風主立夏四十五日四時暴風起東南方人
多病洩痢乳婦暴病死

南方離風名曰景風主夏至四十五日四時景風起南方大火災
來年旱人多病熱生瘡目盲離為目

西南方坤風名曰涼風主秋四十五日四時暴風起西南方天下
兵動日月失色令人食不入於口病腰瘡股膝肩背腫坤為
衆故兵動陽衰故日月失色

西方兌風名曰闔闔風主秋分四十五日四時暴風起西方主秋旱
霜天下兵動日月食人多患瘡疥癬

西北乾方名曰不周風主立冬四十五日四時暴風起西北方天下
大飢有盜賊攻入流亡有神不起日月失色地動人多病疽

疥癘惡瘡疾疫死喪右八方暴風但風起其方即依上占京
房曰八方風候及八卦風氣春白夏黑秋赤冬黃皆為下逆
上兵革動各隨其部日辰占之乾為折風一日衝風坎為大剛
風艮為凶風震為嬰兒風巽為弱風離為大弱風坤為陰謀
風一日諫風兑為小弱風已上八風梅木發屋飛沙走石三日
不雨則占大凡風為陽雨為陰陽怒得陰則解風怒得雨
則解

觀象玩占卷之四十五終

觀象玩占卷之四十六

風角

正朔風占

漢魏鮮正月朔旦八風占雲云風南來大旱 西南來小旱

西來有兵 西北來有胡兵朔豆成 北來為中歲

東北來為上歲 東來大水 東南來人病歲惡八風各

與其衝對課多勝少疾勝徐自旦至食時為麥食時至日

映為稷日映至脯時為黍脯時至下脯為穀下脯至日沒為

麻風從北來宜客而水為主吉西來宜客東來宜主西北來

宜客東南未宜主西南未有利謀不成東北未宜主客俱不利若風熱冷異常風暴急昏濁又當以八卦暴風占之

京房占曰正月朔日候八風從乾未有利憂兵坎未有大水艮未人疾疫歲內有蟲蝗震未陽氣干歲大旱有喪巽未年內多風傷五谷離未歲旱大熱多火災坤未有利疾疫道上多死人兌未有利兵事

八節風占

立春正月節其日晴明少雲歲熟陰則旱虫傷禾豆風從乾未暴霜殺物谷稼貴坎未多大寒胡兵內侵

艮來五穀熟

震來氣洩物不成

巽來多風蟲

離來旱傷物

坤來春寒六月大水多愁土功

兌來旱霜兵起

春分二月中其日東方有青雲歲熟晴明物不成

風從乾方來歲多寒金鉄倍貴 坎來豆菽不成飢疾

艮來夏不焚米貴一倍 震來五穀成亦無盜賊

巽來蟲生四月多暴寒 離來五日先水後旱

坤來小水人多霍疾 兌來春寒八月國有憂有兵

占夏 有赤雲歲豐晴明則旱

風從乾來其年凶飢憂霜麥不利 坎來雷不時擊物

艮來山崩地動人疾疫 震來雷不時擊物

巽來其年大熟 離來夏旱木焦

坤來萬物未傷 兌來蝗蟲大作

夏至日南方有赤雲則熟晴明則旱

風從乾來寒傷萬物 坎來寒暑不時夏日多寒

艮來山水暴出 震來八月人多疾

巽來九月風落草木 離來五谷熟

坤來六月雨水橫流 兌來秋多雨霜

立秋日有白雲及小雨則吉晴明物不成

風從乾來甚寒多雨

坎來冬多雪陰寒

艮來秋氣不和

震來秋多暴雨人不和草木再榮

巽來內兵猝起

離來兵戎不利多旱

坤來五谷熟

兌來兵起將行

秋分日西方有白雲則善晴明物不成

風從乾來人多相掠

坎來多寒

艮來十二月多陰寒

震來人多疫有花不實

巽來十月多風

離來兵動國南七百里

坤來土功興

兌來五谷大收

立冬日晴明小寒人君吉天下喜

風從乾來君令行天下安

坎來冬雪殺走獸

艮來地氣洩人多病

震來行人不安暑多寒

巽來冬溫明年夏旱

離來明年五月大疫

坤來水泛溢臭鹽倍多

兌來妖言為幻兵在山澤

冬至日有雲雪寒明年大豐晴明物不成

風從乾來強國有憂多寒

坎來歲美人安

艮來正月多陰

震來雷不發大雨作

巽來百虫害物

離冬溫乳母多死水旱不時人疫

坤來虫傷苗多水

兌來明年秋多雨兵起

立夏巽卦王風從乾來為一逆小凶

立春艮卦王風從坤來為二逆兵起

立秋坤卦王風從艮來為三逆谷無實

立冬乾卦王風從巽來為四逆人去其鄉

秋分兌卦王風從震來為五逆帶刀入市

冬至坎卦王風從離來為六逆人民潰散

夏至離卦王風從坎來為七逆臣子為亂

春分震卦王風從兌來為八逆殿上有刺客

已上八逆風若帶刑殺昏寒日色白濁大凶

乙巳畧例八節風占

立春艮兌巽

春分震坤乾

風去地尺餘擺樹枝小有聲不動塵黃白雲滿天氣精明
是謂景風應木之氣則節令調和忠臣在位萬物成熟歲
美國安若夾小雨則百果實

立夏巽兌艮

夏至離艮乾

風去地尺餘樹枝小有聲不動塵天氣和煖紫赤雲在日上下
或遍天是謂祥風應火之氣則節令調和君明臣賢萬物阜成民

安國昌若風先慢後急揚沙吹塵黑氣漲天則萬物不成人多病

立秋坤乾震

秋分兌巽艮

風去地尺餘擺樹鳴條不動塵蒼白雲滿天是謂和風應金之氣則時令調和民物阜成人主壽康兵戎不興若走石吹沙先慢急日光沉沒天昏冥來年春不安

立冬乾坤震

冬至坎坤巽

風去地尺餘颯；不動塵適天白黑薄雲氣色和平是謂德風應水之氣則陰陽調和萬物成實民安國昌四夷効順若走石揚沙先慢後急日一晦冥明年麥損虫生五穀無實

三辰八角風占

辱殺反吉抵誕忿爭

申子辰日 艮震巽離坤兌乾坎

巳酉丑日 巽離坤兌乾坎艮震

亥卯未日 乾坎艮震巽離坤兌

寅午戌日 坤兌乾坎艮震巽離

凡風從辱上來國家有耻辱事

從殺上來有暴相殺若行道逢之有相殺之人未過

從反上來有反逆不順之事

從吉上來有喜慶事行道逢之有賢人君子相見酒食燕樂
從抵上來有非理抵觸王貴人相中人休廢庶人囚死罪人相連
從誕上來有妄誕之人相欺給
從忿上來有非理忿爭之事

從爭上來有好人來爭財物

已上宮宅之中回風亦可用此占

占風知兵

立春 正月戊申 二月己酉 三月庚戌 有暴風從西方來

七日夜不止者

兵起西方

立夏

四月辛亥

五月壬子

六月癸丑

有暴風從北方

來七日夜不止者

兵起北方

立秋

七月甲寅

八月乙卯

九月丙辰

有暴風從東方

來七日夜不止者

兵起東方

立冬

十月丁巳

十一月戊午

十二月己未

有暴風從南方

來七日夜不止者

兵起南方 已上皆不出衝兵大起

諸商日時在奸邪風從貪狼或陰賊上來日色白濁若昏霧比連三日若七日人間盜賊屯聚攻城

不出一月 一日遠不過七十日

諸商日夜半風卒起大霧至日中不解兵起

四季受商之日怒風從四季上來時加子午外界民為賊屯聚相攻關梁塞道路絕不出七十日

諸商角之日怒風從奸邪陰賊貪狼上來白濁冥晦比連三日以上必有大兵起以日占何方近三十五日遠七十日

凡貪狼奸邪之日怒風蓬勃風從陰賊貪狼上來寒慘昏濁又
與歲月日刑相會或墓殺相會必有急兵至無兵為卒兵起

諸風蓬勃四起或自上下來觸地名為逆風有暴兵起平旦發
人民逆食時發賓客逆日中發姻親逆脯時發臣下逆黃
昏發賤隸逆夜半發同姓逆鷄鳴發妃后逆皆大故不出
三十日若風止有大雨則灾不成

諸宮日時加子午風從四季上來有奸人揚言行間人君左右親
客內乱若風勢勃乱叫怒寒慘吹沙漲天日色冥晦或無
刑殺必有叛逆兵起

諸公正之日風從公正上來止於寬大為長吏勝賊

陰賊之日風從陰賊上來時加公正風止奸邪或從奸邪上來止於陰賊皆為賊勝長吏

出軍占風

凡初出軍日時風從後來衝霧捲雲人壯馬嘶旌旗前指鼓角響亮者全勝 風從旁來而向前者得天之助獲敵人來降風從地上五音相生之方來生為毋翊子受我之生為子扶毋天色晴明風氣條暢者必勝

凡初出軍及三日內 風常逆來衝我旌旗不舉人氣怯馬不

嘶或後或前或從旁起吹塵揚沙瀚：勃：人馬行步無跡
此名鬼風兵出必有挫敗當且止以觀便宜

凡出軍三日內道逢急風甚雨沾濕人馬威不能行者不利出軍
連日昏霧沉：風聲錯亂密雲不雨皆防下人有謀

凡出軍之日風雲不興草木不動賊不可動

出軍有飄風驟來牙旗摧折旂播繞竿或下垂者交戰將死
軍行而旗指後者兵不利

出軍而風逆來雨不沾衣名曰天泣軍必敗若交戰而風
雨從前驟來逆衝謂之落尸當其衝者大敗

出軍纒下營旗鼓方張而有暴風來掩軍幕傾散干戈推倒者大凶

凡出軍之日風從五音相生之地來天色精明風氣條暢不昏不乱者前必有大功若天氣昏濁風勢瀟勃寒慘往來必有戰以時方日辰分主客以歲月日時德刑分勝負仍以五音六情詳之

兩軍相守占

凡兩敵相當先分八卦以察主客勝負若風從西北乾上或正坎北上或東上皆為利客宜先舉

若從正東震上來或東南巽上來或正南離上來皆為利主宜後舉
若從西南坤上起主人有謀不成主客俱不利

若從正西兌上來客有伏兵主人宜設備 不備必敗
風從乾上來客舉兵必獲主糧

凡無兵之時風雲相交為兩用兵之時龍虎相交為戰大交大戰
風為主雲為客風勝雲主人勝雲勝風客勝

兩軍相當陳師原野未知勝負以先舉入他人地者為客後自
舉居其地者為主常以日納音占

客以時及風起之方占主若有大風以五行刑克決之相刑則

戰北和不戰若時方俱為納音客宜先動急擊之以應為客
時方共克納音宜堅陳固守待彼先動以應為主

凡入敵境三日內有風雨雷霆從我軍上發入彼軍為龍虎助
戰大勝

凡軍行敵境未逢敵人或有急風來射我軍有雲乍西乍東
迅速奔走者急防兵來

凡軍入他境初下營擬為攻劫未定若兩軍相守有八難風生
必須迴避此時敵若來攻軍必敗

八難風者遍歷八方迴旋不定拔木發屋吹塵蔽天若在敵

軍上急宜攻之若在我軍上宜嚴備之若軍路上逢之令弱
兵先退奇兵漸進強弩勁騎向敵翼而回之

兩軍相當暴風忽起從三刑五墓上來昏塵蔽天鮮葉茂條皆
落下起下止者前後皆有伏兵掩人不備若天色晴明風不
克者不成

兩軍相當有風從歲月日時刑上來勢大而遲緩者宜備
賊來有大勝若風勢急速下起下止者有狂賊至小戰以日納
音與風起時占

方占勝敗

兩軍相守未戰忽有風從彼軍方來初起蓬勃 至我軍而抵
小蕭索其兵止十里外不戰

旋風從三刑五墓上來有伏兵忽戰必不勝行者值之急走坐者
避之

諸出軍行師兩軍相守有大風從三刑上來不可戰若起五墓
來避之依五音日數占

五音日數占

諸商日大風折木從丑寅未申上起比連三日客軍大敗將死若
主人力弱客亦自退若純微風起在微

寬大時客軍急退其軍不疾疫死則自潰散九時方納音依此
四季受角之日大風從四季上來時加子午客兵入界自相殺不出
三十日四季受商日同

陰賊之日風從陰賊上來大寒慘者賊自相殺 商日怒風從陰
賊上來賊自殺其主將

凡寬大之日時加丑戌風從寬大上來者大兵解散

四季之日風從己酉上來賊兵解散

寬大之日時加己酉風從己酉上來於己酉或方者群賊皆敗

寬大之日風從己酉或丑未上來夜起晝止者大衆欲解而主將

不欲若風晝起夜止氣色溫和者上下同心解散若天色陰寒時日雖善猶未解也

寬大受商之日癸酉辛卯壬申是也有風從巳酉上來連三日至五日天色清明民間兵散不出四十日遠七十日廉貞之日風從巳酉寬大上來天色清和者敵兵退散若從四激上來敵兵自退四季激者春戌夏丑秋辰冬未也

凡遇解軍之風其風發時天色清風氣和暢即不戰而解若風氣寒慘日光昏濁此兵未解必戰若日辰受尅則以敗退

凡四季受宮之日丙戌丙辰辛未辛丑是也

風從寬大若四季上來皆為敵軍來降

城營風占

凡坐營相守有急從敵上來正射我軍上而復下或止而復起必有大兵欲來攻襲宜早備之若攻人城未下而有此風則有救兵自外至若入敵界已得城池猶有未下邑壘而有此風必有兵來戰寒慘帶刑殺必須嚴備

凡與敵相守營寨上有旋風歷過者隨所歷有寇至宜急備之旋風入營捲土發屋倒戈徹幕急備不虞若旋風自外入彼城營急從入處攻拔之旋風吹物上空在城營中兵不利宜固

守 諸羽日怒風從商上起揚沙晝晦有兵來攻城邑若至日中
夜半風益怒此時攻城不下客軍必敗商全羽水母子為強水畏
於土勢必不能行土必制水日中夜半城中強可以固守

諸角日大風勃怒從甲子辛卯上來大寒昏慘至夜半或日中
其風益怒連三日以上有大兵起攻城必陷主人宜出避之夜
半日中子午時也

純宮屬土日辰角木尅之利為客不利為主故攻城則必陷近
期九日中二十七日遠九十日

諸羽日大風日光冥昏霧沉沒大兵圍城客勝期五日遠一月

中十日諸商日怒風從子午上來時加子午日光冥晦不利主人宜防內兵自亂凡奸邪受宮之日怒風從宮上來止四季風氣寒慘城中兵亂夜殺長吏四出不禁期七十日遠九十日

凡有兵圍城視諸商之日有風從丑上來比連三日已上至七日客軍敗退丑商墓也又為陽徵商金遇之兵敗將死期七日
中二十一日遠七十日

凡日中夜半風從申子亥卯上來發晝止日中大寒不解敵必夜來攻城劫營不避風雨主將忌之期五日若十日

邊夷水賊風占

四季受角之日 戊辰癸未戊戌癸丑是也 時加日中夜半怒風從四季
上來五日而止四季者中國天子欲伐夷狄也所以然者四季
土也畏木今

角木克土欲知伐四夷也欲知所伐則觀風所止辰為伐東夷
止未為伐南夷止戌為伐西夷止丑為伐北夷皆期九日至九
十日若風止有大雨則不成

凡壬辰主東夷風從辰上起七日至九日東方海賊動期五十日癸
未日主南夷風從未上起北連七日南蠻反叛內侵郡國期
七十日壬戌日主西夷風從戌上起七日以上西戎反叛期五十日

癸丑日主北夷風從丑上起七日若九日匈奴大人邊邑期二
十四日遠八十日已上風勃怒叫吼則占

壬子壬申壬辰壬戌之日有風從子上來三日以上日色不明此
水內大賊欲攻王國風大寒則夜至近期七日遠不出三十五日
以上四日有大風寒慘 入人肌肉不解皆為賊發從王相來
賊發疾從囚死來賊發遲

壬戌癸亥乙卯壬辰甲申丁未六日有風從申子亥卯上來或
辰未上來水中兵起相殺近期五日遠期五十日

諸羽日大風昏霧夜半從申子上來陰寒迅急當雨不雨水賊

攻絕津梁道路不通期五日或五十日

丙辰辛未丙戌辛丑此四日為四季受宮之日風從四季上來折木沙揚五以上至九日風止子午此為夷狄君長萬里來朝或遣使貢獻近期五十日中百日遠百五十日天色溫和清明乃至寒慘昏濁不至

壬辰癸未壬戌癸丑四季之日有風從申子亥卯上來迅急寒慘比連三日至七日此外解群賊郡也聚與夷狄併勢侵犯群國郡晝伏夜行來為侵盜不出七日十四日七十日凡此四日有風從貪狼陰賊奸邪上來勃怒寒慘皆為夷狄反叛依前言之

庚辰乙未庚戌乙丑為四季受商之日時加商風從亥卯辰未
上來止於子午滿五日以上至九日風怒不解夷狄起兵若風中
正更轉已酉上來賊必自解近期七十日中九十日遠百日若風
來不滿日止或時加子午若雨溫熱者皆為賊軍中道離散

四季受商之日怒風從四季上來此外國賊欲也聚相攻不出七十
日若風從四季上來不滿日復從四仲上來轉陰賊方來寒慘
迅急日冥無光此夷狄兵中道自相殺不至近九十日遠百二
十日 奸邪公正受商之日大風勃怒暴亂從奸邪公正上來為
夷狄犯塞十日不止千里來二十日不止三千里來期七十日

諸四季之日暴風卒起及遊風半日須臾止者為千里外兵來不
則近界雜居羗胡為變事不必在千里而千里外之人亦可以
應其占風小事小風大事大若風滿九日則為萬里外兵若羗
胡畿甸者有變

凡大風從四季上來止于午氣色清明天色和暖者皆為四方界
分欲來求和隨日期

大凡四季主關梁津渡道路主管鑰主遠方客占外郭外州外
界外夷各以風起日數知遠近是疾知寒溫知勝負他倣此

水火灾風占

凡受羽之日但納音屬水者皆是風從卯酉羽上來天雲陰潤人心悲慘連三日者必有暴雨大水驟至若風來刑殺及貪狼奸邪陰賊之日時則有水中賊起害人風從卯酉來時加卯酉風勢肅、調習又止卯酉潤氣濡物者大雨即至

諸角日有怒風從寅申丑未徵上來乍遲乍疾時加夜半大起

宮寺院廟中 辰午酉亥四日為自刑日其日受角而風從徵

上來辰日加辰燒左部二千石傳舍大臣將相之宅午日加午燒都廷尉舍大夫官吏之宅酉日加酉燒貴府太傅舍廚庫貴人店肆亥日加亥燒喪家并店肆牢獄若囚徒之家大寒迅

急則燒殺人溫和但燒屋不殺人風止即有雨下雷電乃已
不然雖期內雨火亦必起

四季受角之日怒風從四季上來止子午者下亭鄉市失火有
文書三日至期內雨不發

諸亥卯受角之日怒風從辰上來時加申子此賊以火攻主人寒
急者殺人財出若時加廉貞公正此怨仇相殺不出三日若六
日以日占其地

諸徵日時加徵暴風卒起而天氣清明者書徵至為失火事近

期三
三十日以日占國

凡陽徵日風從陽徵來時加夜半為都市中府寺火起風從陰徵來為下亭鄉市及人間火起

凡占火得巳酉之時此誤相燒也得公正之時為怨仇相燒得廉貞之時因文書口舌相燒得貪狼之時為主人燒攻得陰賊之時為惡人遍相燒或捉賊燒屋得奸邪之時為小盜陰私相燒日辰王相有氣者人事相燒囚死無氣時加商角鬼神所燒也若徵日起風三日以上天氣赤黃徵風不解至七日此天火災起千里相望近期三日遠三十日若風止即有大雨則解之占火與使者檄書同占

暴風急起東南巽方繞木悲鳴聲如搖火有火災不出三日假
令丙寅丁卯之日怒風從寅卯上來為都市中火所以然者
丙丁火寅卯木也火得木而然此是兩火共燒一木卯為都市
期三日或丙丁六日應以占其國期內大雨則止

乙巳畧例云辰戌之日及諸受角之日風從辰戌上來巳亥及諸
受角之日風從辰戌上來辰戌及諸受角之日風從丑寅未申
上來辰午酉亥之日風從辰午酉亥上來巳上諸風鳴條擺樹
乍起乍止勃怒暴亂天色昏冥皆為發火之候風起二三刻
止火非遠
二十里內一日止五十里二日止百里三日止千里

外又初疾後慢非遠初慢後疾遠火至王相時方燒都市
宮室官舍宅第囚死燒牢獄廟宇休廢燒驛亭店舍鄉
郭闕居屋

觀象玩占卷之四十六終

觀象玩占卷之四十七

風角

候風知詔書占

諸陽宮之日風從陽徵上來為詔書到欲知何詔書以風至之時

占之時加寅午遷除詔

時加酉寬大詔

時加丑戌徵召詣臺詔

時加申子賦歛詔

時加亥卯

詔書一日盜賊事詔

時加辰未嫁女傳詔

皆期九日凌 四十五日

諸陽宮之日風八日刑上來回止得方風大迅急此上官證

收下官證對無罪假令風從帝主上來若子丑上來為詔書又加子丑帝王明視干支所加日晴生克知書所謂若從相來為公卿書

春甲夏丙秋庚冬壬天子所在風從其上來有天子來若時公正此天子令也時加奸邪此詐詔不可信

候風知赦

春甲寅帝乙卯王庚申為詔獄辛酉為司空

夏丙午帝丁巳王癸亥為詔獄壬子為司空

四季月戊午帝己未王甲寅為詔獄乙卯為司空

秋庚申帝辛酉王丁巳為詔獄丙午為司空

冬壬子帝癸亥王戊戌為詔獄戊辰為司空

凡風從詔獄上來大赦司空上來小赦

春甲寅日時加申風從申來三日止申其風温和有大赦期六十

日又云風從庚上來有大赦乙卯日時加酉風從申上來止申

為小赦四十五日

夏丙午日時加亥風從丙來止亥其風清和有大有赦期六十日又

云風從壬上來有大赦丁巳日時加午風從丙來止亥有小赦

期四十五日

四季月戊巳日時加寅風從寅來止於寅有大赦時加卯小赦期
六十日內四季日壬時風從辰上來有大赦卯上來小赦卯日未
上來小赦

秋庚申日時加寅風從庚上來三日止於巳其風溫和有大赦期
六十日時加申子為小赦

冬壬子日時加巳風從壬來其風溫調有大赦加申有小赦期
六十日內

冬至後丙申日風從丙上來大赦甲申戊申庚申日風從丙上來
小赦丁巳之日風從巳上來三日止大赦一日一夜止小赦

寬大之日時加酉風從已上來三日止詔獄有大赦

常以帝王之日已酉獄日候風從王上來加獄時止獄時皆有大赦鳴條以上占之

諸戊己壬日風從天門上來有赦

春申日日出之時風從卯上來須臾止又復從卯上來有赦近二十日

春甲為天子庚為獄有風從甲上來時加庚為有赦若連三日

止庚其風清溫必有大赦風止而雨有賞賜期九日若三十日

以下三時依此推之

春甲日風從甲來止庚
止府吏原罪一日

一夜止州書原罪三日止使者原罪

春甲日換風從甲從入人家止庚亦為有赦令

春風常從甲上來止庚必有赦令亦為陰陽和律呂正國有喜
四時寬大已酉之日特加已酉風從王御來止已酉有大赦

候風知遷官免罪法占

國君公卿以下所屬日

春三月

寅皇后 甲天子 卯太子 乙太子妃

辰太子吏 巳司空 丙司徒 午太尉

未九卿

丁太傅

申司隸

庚詔獄

酉庶民

辛卒徒

戌夷狄

亥宗廟

壬內相

子宮府

丑大將軍

癸內藏

夏三月

巳皇后

丙天子

午太子

丁太子妃

未太子吏

甲司空

庚司徒

酉大尉

辛太傅

戌九卿

亥司隸

壬詔獄

子庶民

癸卒徒

丑夷狄

寅宗廟

申內相

卯宮府

乙內藏

辰大將軍

秋三月

申皇后

庚天子

酉太子

辛太子妃

戌太子吏

亥司宮

壬司徒

子太尉

癸太傅

丑九卿

寅司隸

甲詔獄

卯庶民

乙卒徒

辰夷狄

巳宗廟

丙內相

午宮府

丁內藏

未大將軍

冬三月

亥皇后

壬天子

子太子

癸太子妃

丑太子吏

寅司空

申司徒

卯大尉

乙太傅

辰九卿

巳司隸

丙詔獄

午庶民

丁卒徒

未夷狄

申宗廟

庚內相

酉宮府

辛內藏

戌大將軍

春寅為皇后此日中有暴怒勃亂之風從午上來五日上皇后
有大憂其氣溫皇后有幸近期九日遠九十日若風止大雨
則不占餘倣此

春丑為大將軍此日有大風發屋折木從丑上來四日已上丑有
氣將軍賀賜無氣有罪迅急寒克大將軍有憂近期八日遠

八十日

春丁巳為三公風從丑上來止三公坐上天色清明三公遷封受
賀風氣寒急日色不明三公退免受誅丑者四巳日暮也

四時風從天子上來視所止為詔書所加風氣清和為遷官寒
急昏濁為憂罪風止而雨為事解雨止之後仍有寒風事不
解但亦不解風辛日一日從近期三日以上從遠期卒暴起
近期違稍怒從遠期疾

戊子戊午甲辰甲戌四日以四時候使者州牧刺史從事檄書風
從其時上來有氣為遷無氣免退

假令甲上來三日止辰使者遷二千石近期二十七日書到

諸使者用事之日風從徵上來止辰使者遷二千石止丑使者
喜止公卿坐其風清和有遷賀吉若大寒速急為使者奏三
公二千石令長當退受罪近期三日遠期三十日

丙辰日為府君其日有風從辰上來二日君位上二千石徵納
補丙辰日有風從辰上來止午清和者二千石表使者寒急二
千_石表刺史更相奏上有氣者勝無氣者凶止辰上為奏事
不者還受近_罪期九日遠期四十五日

五丑為令長相奏日五丑之日風從丑上來大寒急止辰丑為
氣此令長奏府君止午奏使者止公座則奏公座此下官與

上官相奏以寒溫決勝負

五亥主諸丞凡亥日風從亥上來亥有氣丞遷賀無氣丞免官
風半日止者郡丞二日止者為府丞三日止為州治中四日止
為公侯長吏五日止為尚書丞丁亥為二千石日

五戌為都尉內戌之日有風從戌上來戌有暴氣都尉遷無氣
免官風半日須臾為小尉若溫和為遷賀寒急為免官他做此
候諸侯三公貴客占

諸陽宮寬大之日有大風從天子上來止三公座上為三公入賀
期一日或九日 丙辰戌寅日是

諸寬大廉貞公正之日有風從丑上來視所為君德所加主有遷
官賞賜以四時位者言其官若大寬迅急君有暴令視所止
之位當之

凡大風折木從臣座上來止君位皆為臣上書奏事溫和清
英不寒憐為喜從刑殺來日光昏濁者為有奸

假令庶貞寬大公正之日其日清明風從臣座來止君位其
臣忠正所奏公直必受慶賞若奸邪陰賊貪狼之日風氣
寒冥者反是

假令宮日時加宮此近也四百里內風半日止者五十里貴客

也一日止者百里內也二日止者千里客也三日止者外臺是也
四日止者外州使也五日止者邊將使也七日止者數萬里夷
狄使也以上言止皆謂止於君位若風冥寒急此遠方使
至必懷叛逆其風來時日加己酉丑戌寅午皆為正臣欲有
獻於君清吉寒迅有憂

假令風從宮來寒急者君怒也溫和而雨為欲加位賜

凡四季受宮之日風從四季上來止君位若太子位皆為客候
主人 侯 王候公卿二千石出入吉

諸陽主長吏諸陰主民間 天子所在二千石是也者令長同占之

假令三月天子在甲有風上來時加甲風上寅天子入皇后宮
中 甲來止丑天子入大將軍府中止酉天子候白衣士止
戌天子入都市止辛天子入人家甲來止四季天子出遊千
里止四仲出百里止四孟出行城 郭以占諸侯二千石令長
同法風從臣位起止於君位皆為臣上事

假令春天子位在甲風從未上來止甲為九卿上事入省從
丑上來止甲為大將軍上事入省餘倣此

何以知大將軍兵先起商角之風兵起風上宮羽徵風兵起風

下 假令陽角之日風從角起則為大將先將兵出也欲知勝

負按法言之風起相生則和相克則戰如角日風從羽來角羽相生大將軍兵出必勝餘倣此

春三月天子在甲在內以占天子出入在外臨民則令長至二千石使者諸侯以占甲所謂君人者上下同占也

候喪日風占

壬子壬辰之日風起夜半止夜半占皇后國夫人起日中止日中皆占人君；夫人他倣此

庚子陽宮之日日中夜半怒風從子上來止辰此為宮動宮止辰為人入墓中官為君期九日遠九十日

庚午陰宮之日日中夜半怒風從上^午來止午若辰后有暴卒子
來為喪午來為黜止辰為入墓中期九日遠九十日風起三日
已上止乃以此占不三日為病

諸角大風從亥上來二日止未二千石有死喪期九日或二十七日
壬午角日風從未來三日止使者州刺史有喪癸丑日風從未
來一日止丑令長有喪

己亥之日有風從亥上來半日止未丞有喪

丙戌日風從未來止戌小尉有喪

四季受日風從未上來比連三日民大疫若風已亥上來止

未民大死喪期二十七日

己亥受角之日風起己亥此長史客喪連客止亭傳近期三日遠九日

五墓之日風從五墓上未若止墓上皆為死喪憂事

假令宮墓在辰宮日風從辰來或止辰是也宮主長史傷商墓在丑風從丑未或止丑皆為死喪疾病餘做此

凡風從墓來或入墓皆為死喪若時加己酉入止王相或帶德及德合皆為死者得生囚者必遇赦他做此

救百姓疫法占

春以己角之日戶曹出行疾病至未治壇用白犬白鷄禳之遣
法遭秋遣金曹冬遣水曹四季月遣功曹冬於其時之墓羊
犬鷄用所被克之色救之則雖病不傷不遣則其灾必大應

衝月

飄風占

飄風回風也扶搖羊角焚輪皆其類也自下而上直至于天亦
有自上下者通謂之旋風

旋風起宮宅中以六情言清和吉王相有氣亦吉囚死為凶

旋風卒...之內或從外入揚人衣物發人屋宇皆為有卒暴

事若從歲月日時德上起來或止於德方合德之方或寬大之日辰值德合之時王相有氣則吉事若從歲月日時刑衝墓殺上來或止刑殺墓方或日辰囚死時下皆為凶事貪狼陰賊奸邪之日凶

旋風入室中飄揚衣物當憂財物驚火

宮日旋風起宮宅中為聞訟為囚擊為縣官有連引事若起道路從內向外衝上吉

商日旋風起宮宅中有人持酒肉來不出三日

角日憂疾病 徵日憂火 羽日憂失財物

凡旋風起坐席君子失官 小人失財

旋風從歲月日時刑墓上來行者急走坐者起避之

凡行道見旋風從南來酒食若時加已酉皆大吉

旋風起吉方兩處夾道隨人行者重吉久不滅亦無他但從凶地來即凶行道有旋風從前回來逆衝人者勿前防有伏慝相謀以時下五音德刑占之

旋風急從後來逐人亦以其日支納音時加刑德五音六情占之又清和為吉 寒濁為凶

旋風旁起前 向過皆凶並用日辰刑尅之占

凡行道有回風四面覆人宜回避之 回風覆人宮日有田土爭

訟徵日有聞訟者若從徵方來家戒火

羽日失財物若憂酒肉事聚衆于上

商日為失財亡遺人所謀

角日有疾病從角地來為死喪事

宮日回風突人戒田宅憂移徙若爭訟田宅若道路上遇之

不宜為客衝外則吉

徵日回風突人戒告訟文書凶若有失金錢事

羽日回風突人戒入水行舟防沒溺若失財物有聚衆事

商日回風突入人戒爭財若入山林墜下被傷

角日回風突人有疾病死喪哭泣不則相擊傷

凡宮宅之內西堂為父東堂為母堂邊為長子房為婦女庭
為象墻壁為少子井竈為奴僕門為賓客回風暴風卒起
若從外入皆以德刑言其所主之人吉凶

一曰西堂為父北堂為母東堂為子南堂為孫

凡宮宅中庭為大象庭戶為四隣垣墻為小口井竈為婦女碓
磴為奴婢馬廐為役隸客堂為外人門為賓客庭為諸公
客有風起止其地時加奸邪陰賊或奸邪陰賊上來止此或從

此起止於奸邪陰賊之地各防其人有謀若風氣寒慘帶刑
殺克害而來有所觸損者各言其人有灾

凡回風暴風卒起宮宅諸商日時加寬大風角上來止於囚死休
廢為賓客作奸風起門外入門而止於商時方亦然加奸邪不
覺加公正覺商日時加申風從未上來回入南門至堂邊為長
子作盜回入井為婦女作奸欲共他人殺夫

陰賊之日時加申子風從奸邪來止陰賊婦女作奸欺夫
辛丑日時加午風入宅中從午上來後三日有酒食

商日日辰勝時下風從純商來為怪物害人

簡日風起純角入宅為惡鬼入宅害人日辰王為縣官從王卿
來為家長相卿來為子孫休廢來為賓客囚死來為下賤貪
狼來為盜賊奸邪來為淫婦小人公正來為仇人餘以類推之
凡官宅中同坐非止一人或十餘人同行而有旋風相衝未知
在誰當以風之時及日辰推之風從宮來即宮姓者富之若
同音非一人即又以長幼別之孟為長年寅申己亥主之冲
為中年子午卯酉主之季為幼年辰戌丑未主之若長幼又
同者非一人則以休王別之日辰王相事在尊長貴人休廢囚
死則在婢幼賤人又一日取男及在左者陰日取女及在右者又

同則取衣服之色宮黃徵赤商白羽黑角青或取其所執持之物以決之即知其事在誰若飄風起而止前者皆以時音期之後來逐人而過去者以日音期之假令今日音得角期九日旋風從本命墓上來而值之為疾病

假令時加角為從高墜下若失足竹木所傷時徵為火燒炙若見血時加宮為瘡腫時加商為金刃所傷時加羽為沒溺斃死旋風從本日墓上來值之者疾病歲刑上來為縣官召月刑上來為尉部鄉亭召日刑上來戒爭訟時刑上來有卒急公事皆凶 旋風從歲月日時德上來皆為酒食喜慶事

假今年在木鄉有木器物從北方來在大鄉有銅瓦物從東方來在土鄉有田宅物從南方來在全鄉有錢物四季方來在水鄉有酒肉六畜物從西方來四季之日四孟上來上官長吏有賜與四仲之日四仲上來次官長吏有賜與四季之日四季上來下官長吏有賜與若得商時或商日辰又加有金銀銅錫之物得徵時或徵日辰又加有文書采色之物得羽時或羽日辰又加有酒若水物得角時或角日辰又加木實穀粟繒布衣物得宮時或宮日辰又加有土瓦器物脯肉皮革之類王相其物良休廢囚死則敵濫

凡宮宅中及衆人道路行伴有暴風入衆人中亦可以風聲五音求其同音者言其憂喜

凡在公宇廳院園苑之中有旋風分明依道不急不惡清明和暢漸向前來富有賢人君子至或為使者召命喜慶之事

凡行道次忽遇暴風旋風當以行年決之若風來突人從廉貞寬大公正上來與人本命相爭生則為歡喜酒食相迎從奸邪陰賊貪狠上來與人本命相妨宜妨侵謀相害若蓬勃寒寒又加刑殺大禍即至

宮日忌爭田土 微日有爭訟文書亡失金錢等事

羽日有水厄亡失財物

商日防鬪擊相傷

角日主哭泣疾病

旋風從地中出直注日下師死

旋風入宮闕中一日再三名曰太陽戒不出一年內兵起

行道見面風從西方來必有酒食

諸飄風起而止前者皆以時音期之

天鏡占云飄風吹衣絲於都市中有殺王不出一年

九軍初出有旋風從旁起直至軍前飄轉引導者軍必大勝

若從上來宜急設備

軍行有回風相觸者中道而還無功

軍行有大旋風起軍前右回繞者將死左回者得敵量

凡扶搖獨鹿之風卒起軍 營中有反者

占風來遠近法占

凡風發初遲後疾者其來遠初急後緩者其來近動葉十里鳴條百
里搖枝二百落葉三百里折小枝四百里折大枝五百里飛沙走
石十里拔木根五千里凡鳴條以上皆百里風也

凡大風非常滿三日三夜者天下盡風也二日二夜半天下風
一日一夜者千里風也

凡風二日二夜事急三千里外一日一夜周時事及二千里六時
以上事及千里半日半夜三時以上及五百里一時以上事及百事
凡大風拔木事及三千里外折大枝事及二千里若風近起城郭
即城郭中有急事卒起宮宅為左右有變事

凡風自百里以上來者其風時緩時急

索：然若蓬勃乍起乍止卒緩卒急勢無常准者並是二
百里非遠來為災乃重若當時有雷雨者不占其應四時
灾日無雨而發者並依別占

凡風發一日為其縣二他縣三日其郡四日他郡五日其州六日

他州各以日數知災所及一云一日一夜為邑二日三日為州四日五日為國六日七日以上為天下

京房占曰風角又推五音風所發各以五音之數期風之遠近九五音有納音金木水火土者以十二支配五音有所聲配五音者 宮風近十里中百里遠千里微風近七十里中七十里遠七百里 羽風近六里中六十里遠六百里

商風近九里中九十里遠九百里 角風近八里中八十里遠八百里皆五行成數推之變通其數觸類而長之風所從來二十四處皆須明知發止審別支干八卦所在發時早晚來從

何處息回日何辰皆須知之乃可以言

觀風知賊數占

欲知賊數多少視風所從來之方為月期所乘辰為道理以上發時支干為人數乘王氣十倍相氣五倍休廢如數囚死減半假令風從坎上來起半夜止中坎君子位建子十一月子數九其賊當以十月來在九百里或九十里內賊九人或九十人或九百人多則千萬言之支干數者甲乙子午九 乙庚丑未八之數也

對敵八卦風占

乾為拆風位西北風從拆上來主人將死客勝

坎為大罡位正北風從大罡上來利先發主人不勝客勝

艮為小罡位東北風從小罡上來主人不勝客勝

震為窺風亦曰嬰兒風位正東風從嬰兒上來客軍不勝主人勝

巽為小藉位東南風從小藉上來利後發客軍不勝主人勝

坤為諫風位西南風從諫上來利後發客軍不勝主人勝

兌為衝風位正西風從衝上來利先發主人不勝客勝

京房占曰風從震巽離上來主人勝客乾坎艮坤兌上來客勝主人

觀象玩占卷之四十七終